

Gvangjsih Minzcuz Bau

ganhhau: CN45-0036 B.2018 Nd.12 Ng.5 liggaeuq fouhswt nienz ndwencib ngeihbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3352期

Gaiq Yonjgen Cinwngz Fanhoiz Sawcuengh Fatbouh

壮文智能翻译软件发布

Ndwen 11 ngoenz 28, youz Cungguek Minzcuz Yijvwnz Fanhyizgiz cawjbanh, Gvangjsih Minzcunghvej, Gvangjsih Gyauyuzdingh bangbanh, aen hoih fatbouh gaiq yonjgen gangj Vahcuengh ok Vahgun gangj Vahgun ok Sawcuengh Cungguek Minzcuz Yijvwnz Fanhyizgiz youq Nanzningz ciuhai. Gyoengq bouxdaeuz caeuq gyoengq lauxhangz Sawcuengh daj Guekgya Minzvej Gohgyauswh, Yinz-swswh, Yizcingz Cunghsinh, caeuq-lienz Aen Banswcu Gvangjsih cap youq Baekging, Gvangjsih Minzcunghvej, Gvangjsih Gyauyuzdingh, Gvangjsih Difanghei Bangunghsiz, Gvangjsih Dayoz, Gvangjsih Minzcuz Dayoz, Gvangjsih Swhfan Yozyen, Gvangjsih Minzcuz Swhfan Yozyen, Gvangjsih Sawcuengh Yozyau, Gvangjsih Minzcuz Gujizban, Gvangjsih Minzcuz Cuzbanjse, Gvangjsih Minzcuz Bause, Gvangjsih Sam Nyied Sam Cazcise, Gvangjsih Yinzminz Gvangibo Dendaiz, Gvangjsih Densidaiz, Nanzningz Si Vujmingz

Gih Gvangibo Densidaiz daengj mizgven bumwnz caeuq danhvei daeuj haenx nem gij hagseng hag aen conhyez Cuengh Gun song vah mizgven gauhyau gaenh 200 vunz daengz hoih caeuqfaenh fatbouh.

Aen hoih neix baijok le doenghgiy fanhoiz yonjgen Cungguek Minzcuz Yijvwnz Fanhyizgiz gag guhcawj yenzgiu haifat, lumjbaenz aen hidungj cinwngz fanhoiz Gun Cuengh/Cuengh Gun, aen hidungj nyinh gij sing-yaem Vahcuengh, gaiq yonjgen gangj Vahcuengh ok Vahgun gangj Vahgun ok Sawcuengh, vahyaem cienjraiz doeng (Cuengh Gun) , gij banhfap gangj Vahcuengh ok Sawcuengh daengj. (Sojmiz yonjgen gwnzneix gangj haenx cungj ndaej hwnj aen vangican "http://www.mzywfy.org.cn/download.jsp" bae au daeuj cang yungh.) Doenghgiy fanhoiz yonjgen neix yaek hawj Sawcuengh bangungh swdungva, cihsaw Cuengh Gun dox-hoiz, saedseiz vahyaem fanhoiz, cazcam haeddoiq, cingjeix sawgeq

daengj engq miz yauliz, cizlieng engq ndei. Daegbied dwg gaiq yonjgen gangj Vahcuengh ok Vahgun gangj Vahgun ok Sawcuengh baez neix cungdenj doi ok de, hawj gihgi rox guh mizsing doiq gangj, coglaeng guh hong couh mbouj dwgrengz baenzlai, hong hix guh ndaej engq lai, doiq gyoengq ganbu roengz mbanj guh hong bang gungz, doiq beksingq guh hong gvaq ndwenngoenz hix ndaej bangrengz haujlai.

Haihoih mwhde, gyoengq lauxhangz caeuqfaenh haihoih youqciengz yawj le yonjgen yaujoj yenjsi caemh-caiq caenn dang hwnj bae doengh fwnz doengh bak, sawq le cungj haenh naeuz, gaiq yonjgen gangj Vahcuengh ok Vahgun gangj Vahgun ok Sawcuengh, aen hidungj cinwngz fanhoiz Gun Cuengh/Cuengh Gun daengj yonjgen hoiz ndaej ndei raix-caix, hoiz ndaej vaiq raixcaix, sawjungh hwnjdaej hix gig fueng-bienh. (Cungguek Minzcuz Yijvwnz Fanhyizgiz hawjgauj)

SIUSIK DINJ

简讯

● Geij bi neix daeuj, Dunghlanz Yen gij canjnieb youzcz daegsaek conzdungj hwngfat riengjvaiq, baenz gij canjnieb youqgaenj vunzlai laisou baenz miz. Seizneix, daengx yienh dajndaem youzcz 20.9 fanh moux, bi 2018 dajndaem moq 4.6 fanh moux. Daengx yienh miz cangi gyagoeng youzcz 20 aen, aen hozcozse ciennieb 10 aen, cungjancjiz mauhgvaq 2 ik maenz, daiqdoengh 2.5 fanh ranz nungzhoh camgya hwngfat canjnieb youzcz, cwgoemq daengx yienh ranzungzhoh 4196 ranz 17826 boux.

(Loz Yungjdi)

● Bineix, Laizbinh Si Hinghbinh Gih gaenjdaet hopheux gij hwngfat lohnaemj "gohgi hwng nonsei, gonengz-nuengx nonsei vut gungz, boux ciengx nonsei laisou", haenq-rengz hwngfat dajndaem gonengznuengx ciengx nonsei. Seizneix, aen gih neix suen gonengznuengx mienhcik daengz 4.3 fanh moux, ranz dajndaem gonengznuengx ciengx nonsei daih'iek 3 fanh lai ranz, dajndaem gonengz-nuengx ciengx nonsei youq mwh vut gungz gunggeng fatok cozyung youqgaenj.

(Banz Sezboh)

● Mboengqneix, Nazboh Yen haiguh aen hozdung vwnzva bangfuz soengq heiq roengz mbanj angqhoh Gvangjsih Bouxcuengh Swcigih laebbaenz 60 hopbi, cujciz aen doih vwnzyi ndaw yienh bae daengz gak yanghcin mbanj guh vwnzyi yienjok, caemhcaiq senhconz bangfuz cwngcwz, ndaej daengz vunzlai angqcoux.

(Linz Yungzsenh)

● Ndwen 11 ngoenz 24 banhaemh, Lozyez Yen banh aen vanjvei vwnzyi angqhoh Swcigih laebbaenz 60 hopbi, yungh gij cezmuiz cauhanduj gig miz daegsaek neix daj lai aen gakdoh fanjyingj gij bienqvaq hungloet Lozyez geij bi neix daeuj, cungfaen langhbaiz le Lozyez geij bi neix daeuj ginghci ndawbiengz caeuq gak hangh saehnieb aeundaiej cingzcek lailai.

(Loz Lanz Lij Vej)



Vunzlai Mbanjyauz Angqhoh Gaijgwz Hailangh 40 Hopbi Caeuq Swcigih Laebbaenz 60 Hopbi

瑶乡群众喜庆改革开放40周年 和自治区成立60周年

Ndwen 12 ngoenz 1, Gungheungz Yauzcuz Swciyen youq Vwnzvuj Gvangjancz ndaw yienh banh aen hozdung vwnzdij baenzdauq "angqhoh gaijgwz hailangh 40 hopbi caeuq Swcigih laebbaenz 60 hopbi", gyoengq vunzlai Mbanjyauz ciengqgo diuqfoux, gangjok gij cingz angqyangz beksingq Mbanjyauz. Ndaw doz dwg vunzlai Yauzcuz cingq ciengqgo diuqfoux.

(Cwng Ciminj/郑智敏 Couh Gigiuj/周继久 ingj)

Denzlinz: Baujhoh Swnjcienz Vwnzva Minzcuz Guh Ndei Aen Binjbaiz Minzcuz

田林:保护传承民族文化 打响民族品牌

Geij bi neix daeuj, Denzlinz Yen doengqvaq gij hanghmoeg ngaenzgoek guekgya yisuz bangcienz saeqsim dajveh cauhyau haenx—Daihgingz heiqaizheiq Heiquengh 《Mehyauz》 ndaej gaiq daihcib Gvangjsih langhbaiz heiq daihgingz heiqmoeg comzyienj "ciengjdoengz myokgveiq" le, faenbied bae Yunghcouh Heiq-ciengz, Gvangjsih Minzcuz Dayoz, Baksak Yozyen, Denzyangz Yen, Yinznanz Cwzhwnggh Yen daengj dieg haiguh cunzdauq yienjok hozdung 40 ciengz, moix ciengz yienjok cungj

ndaej bouxyawj haenhndei.

Ciuq cam rox, aen yienh neix miz feihvuzciz vwnzva yizcanj baujhoh mingzloeg 27 hangh. Ndawde, yienh gaep 8 hangh, si gaep 10 hangh, swcigih gaep 8 hangh, guekgya gaep hangh ndeu; bouswnjcienz daiq-biujsingq swcigih gaep 6 boux, bouswnjcienz daiqbiujsingq si gaep 10 boux; laeb miz 8 aen gizdieg son hag baujhoh feihvuzciz vwnzva yizcanj guekgya gaep caeuq swcigih gaep; danvih baujhoh vwnzvuz 22 dieg. Gonqlaeng ndaej aen cwnghueh "giz-

dieg yenzgiu swnjcienz Heiquengh Cungguek" "gizdieg Baksak cauhyau yenzgiu heiq minzcuz vunznoix Cungguek" "aen dieg yisuz vwnzva ndaw-biengz Cungguek 2014~2016 nienz-doh (Heiquengh)" "aen dieg vwnzyi daegsaek(Heiquengh)" daengj Cungguek Vwnzvabu, Aen Yozvei Heiq Minzcuz Vunznoix Cungguek, Swcigih Vwnzlenz au hawj haenx, vih caenh-itbouh guh ndaej ndei aen binjbaiz vwnzva minzcuz dwk roengz giekdaj maenhsaed.

(Yenj Cinbyauh)